

中國方志叢書·華中地方·第三二九號


據

清同治四年  
楊廷烈纂  
修本

影印

湖北省

# 房縣志



成文出版社有限公司印行



SK4117

中國方志叢書·華中地方·第三二九號

據

清同治四年  
清楊廷烈纂修

影印

湖北省

# 房縣志

(二)

成文出版社有限公司印行



\*10096951\*

5104157

中國方志叢書·華中地方·第三二九號

據

清同治四年刊  
清楊廷烈纂修

影印

湖北省

# 房縣志

(三)

成文出版社有限公司印行



\*10096782\*

中華民國六十五年

月壹一版

房

縣

志

全三冊

發行人：黃

成

助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號


房縣志序

鄖郡古之康唐國也明成化朝初御史原公傑奏建爲  
府所屬房縣南通川陝北接鄖漢東連襄鄧西接金商  
縱橫千里山林四塞其地固宜名焉以名縣春秋  
傳楚成王心敗麇師于防渚卽其地也漢時始建房陵  
縣歷五代而下建置沿革名各不同唐中宗廢爲靈陵  
王遷居房州築城于此自漢以來數千百年其間忠臣  
孝子畸嶺名流代不乏人而志乘闕如誠數古者之憾  
也且凡志書之作首在辨區域徵因革知要隘察風土

俾官斯土者得以披覽蒐求而奏保障秦關絲課最于  
是乎在焉縣志舊刻已多年失遺而地理人物之軫軫  
耳目者載在郡志亦多未詳爲治者欲其合民情宜土  
俗將何自而求之東魯楊君子揚以名進士來宰是邑  
慨然任修輯之責延余友嘉定郡君小晉綜其成既脫  
稿索序于余維時狼突中原邊陲孔棘余掌鑰西鄙甫  
及一年茲又奉檄漢東驪歌已唱羽書絡驛行李戒途  
余本不文奚以塞責顧以義不可卻且以是書之輯有  
裨於邑之政教者功匪淺鮮梓成而爲之序亦余所願

也爰綴數言以爲識

同治四年歲次乙丑嘉平月上浣湖北安襄鄖荆備兵  
使者仁和王文韶書於襄陽官廨



原序

志者史之流也。徵成敗存興替可以識因革損益之宜。  
標阨塞險固可以識經國節制之方。紀賢能著循良  
可以識黜陟作人之典。書考績類綜覈文章可以識培  
養蕃殖參贊位育之功。所以恢

呈圖而展

帝統志固國之大典也。豈僅於山川之蒼莽人物之班次風  
土之沿革草木蟲魚之蓄產博搜廣採拾奇掇異侈談  
富饒矜詫雄鉅以供藝苑之筆。實文人之粉。散也哉。故

寰海之內邑爲載郡爲紀更復有風土之記方域之考  
各卽其耳標目涉之事筆而存之網羅舊聞以徵信當  
時要必囊括而無挂漏與確而無僞舛乃爲良志是志  
之所繫基重而房之志則成之有甚難者蓋房之由來  
尙矣不溯其源雖志猶弗志也上溯而遞考之則世代  
綿邈疆域遼廓輿籍散失而無可考驗故老陵夷而莫  
或親記蒐討散見又非日月可以課成者

國家以一統之規欲求其去舊還畎之業兼么麼新蕩當  
其者必善其遷定安戢之謨余今旣承乏是邦亦當此

以識其風土人情得其舉政之要莫是志之重且亟也然  
非才慧之所能創強博之所能備一二載籍之所能蒐  
考參稽徒購遺書於滄桑之後固獲全璧斷簡殘編弗  
可資爲夜光照乘之寶乃進諸生而語之曰履巨屨者  
識地形不出戶者知天下余政牘蝟冗不暇操鉛槧手  
自裒輯二三子生長於斯宵不稔山川風土惟楚有材  
卽凋落之餘豈遂無具瑰瑋之識負宏通之學若巨骨  
出吳隼集陳延黃熊入寢亥有二首記憶於平時取掇  
於猝辦嘻笑聲稱增光一邑者乎蓋爲我參考舊聞附

益新實其舉是集不惟有功於房且以徵二三子之識  
第督檄嚴促其計日以就以報上命諸生唯唯宵晝從  
事故不及綜覽咨諏草木再易不無踳駁牴牾離合異  
同之病如求其無挂漏而囊括無僞舛而典確可以恢  
皇圖而展

帝綍則以俟夫繼輯者

康熙五年丙午仲春朔知房縣事古臨傳六吉


乙丑春初綴廟秉鐸來房入其境萬山嵒磴林壑邃密  
知爲幽遠險僻之區昔堯子丹朱避舜房陵舜封爲房  
子國厥後歷秦漢唐以罪廢者皆遷徙於此顧其地爲  
周尹吉甫食采邑又有漢黃文疆古蹟士人嘖嘖稱爲  
忠孝里誠哉地以人傳也麟課士之暇竊嘗考其山川  
人物風土流風餘韻猶有存者時楊子揚明府蒞茲土  
奉檄催脩邑志明府引爲已任延江左郁君小晉秉筆  
屬藁邑庠生劉元棟等相與叅互考訂網羅散佚越十  
月而書成付刊都轉王公夔石太守陳公達甫并言簡

端麟亦何容贅一辭哉第念麟與陳喜臣廣文俱有監督之責例得挂名其間不能一言以誌幸也按志例合三十年一脩房志明板燬於兵燹我

朝乾隆五十九年汪魁儒明經增輯沈志逮今厯七十餘載雖山川不改城郭依然而關隘津梁睥睨基址因革變遷又其間天時人事遞嬗廢興年遠人湮鮮所記載舊抄未經刊定魯魚帝虎舛誤良多是房志之纂輯有難於他邑者今以百年來未竟之事得樂觀其成所願邑人士勉爲忠孝爲志乘光用彰

聖天子同軌同文之化則是書之成固爲明府慶抑亦邑人士之幸也是爲序

同治五年歲次丙寅仲夏月房縣儒學教諭劉紱麟謹



余奉

命典鄖郡之明年楊子揚明府出宰房陵抵郡來謁接其言  
恂恂樸訥無世俗叫囂僂巧之習心竊憚之閱半載以  
纂輯房志彙成問序於余余維古侯封百里春秋時大  
國多至數圻楚至戰國兼併尤大北接雍豫南逾五嶺  
東抵揚州之域西達梁州及西南夷等處皆爲楚地我  
朝幅員式廓海隅山陬罔不式化而歸版籍自湖廣分南  
北而房止爲鄂省一隅界與巴蜀秦隴毗連萬山崕嶺  
林深菁密幽閒遼夐曼衍幾及千里昔時與二竹輿保